



Odbor za urbanizam i upotrebu lokalnog zemljišta

Broj: 04-GV-04-266/23

Sarajevo, 10.02.2023. godine

ZAPISNIK O RADU
22. SJEDNICE ODBORA ZA URBANIZAM I
UPOTREBU LOKALNOG ZEMLJIŠTA
održane 10.02.2023. godine

Prisutni:

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Danijela Šahat, članica
4. Elvedin Korora, član
5. Salih Išerić, član
6. Sandra Toskić, članica
7. Fikret Jakupović, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe za poslove Gradskog vijeća

Sjednici prisustvuje:

- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajuća Odbora je u 14.08 sati otvorila sjednicu, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 21. sjednice Odbora za urbanizam i upotrebu i upotrebu lokalnog zemljišta, održane 10.01.2023. godine.

Na prijedlog Predsjedavajuće, jednoglasno je usvojen sljedeći dnevni red:

1. Prijedlog Plana rada Grada Sarajeva za 2023. godinu
2. Informacija o Elaboratu društveno-ekonomske opravdanosti obnove Astronomske opservatorije Trebević
3. Tekuća pitanja

TAČKA 1.

Prijedlog Plana rada Grada Sarajeva za 2023. godinu

Uvodno izlaganje i odgovore na pitanja u diskusiji dao je Tari Zečić, ispred Gradske službe za urbano planiranje, investicije, stambene i komunalne poslove.

U diskusiji je učestvovala Aida Kluder Agić, predsjedavajuća Odbora i iznijela prijedlog za zaključivanje.



Poslije uvodnog izlaganja i diskusije, na prijedlog Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Plan rada Grada Sarajeva za 2023. godinu* kako je predložen uz uvažavanje sljedećeg prijedloga:

- potrebno je u Plan rada Grada Sarajeva uvrstiti i aktivnosti vezane za izradu i predlaganje svih regulacionih planova i elaborata koji su sadržani u Programu rada Gradskog vijeća Grada Sarajeva za 2023. godinu, odnosno da se obrazloži zašto te aktivnosti nisu uvrštene u Plan rada Grada Sarajeva za 2023. godinu.

TAČKA 2.

Informacija o Elaboratu društveno-ekonomske opravdanosti obnove Astronomske opservatorije Trebević

Uvodno izlaganje i odgovore na pitanja u diskusiji dao je Tarik Zečić, ispred Gradske službe za urbano planiranje, investicije, stambene i komunalne poslove.

U diskusiji su učestvovali Aida Koluder Agić, predsjedavajuća i Ismir Smajić, zamjenik predsjedavajuće Odbora te iznijeli prijedloge za zaključivanje.

Danijela Šahat, članica Odbora je u 14.40 sati napustila sjednicu zbog ranije preuzetih obaveza.

Poslije uvodnog izlaganja i diskusije, te sažetka Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Informaciju o Elaboratu društveno-ekonomske opravdanosti obnove Astronomske opservatorije Trebević* i primi je k znanju, uz uvažavanje sljedećih prijedloga:

- Odbor za urbanizam insistira na tome da se prije početka realizacije projekta svakako riješe imovinsko pravni odnosi na što povoljniji način za Grad Sarajevo.
- Odbor za urbanizam insistira na tome da se prikazana vrijednost investicije za treću varijantu, koja je ujedno i najbolje rangirana varijanta elaborata, uveća za troškove raspisa međunarodnog javnog konkursa za dobivanje kako idejnog, tako i izvedbenog rješenja kompleksa. Pri tome kriteriji raspisa, kao i konkursni zadatak moraju biti vrlo precizno utvrđeni i definisani, kako bi se primjenila najsavremenija tehnološka rješenja i time budući objekt učinio konkurentnijim, a u skladu sa važećom prostorno planskom dokumentacijom za treću varijantu.

TAČKA 3.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVALJUĆA ODBORA

Aida Koluder-Agić, s.r.

Predsjedavajuća Odbora je u 15.05 sati zaključila rad 22. sjednice Odbora za urbanizam i upotrebu lokalnog zemljišta Gradskog vijeća Grada Sarajeva.